

1 MAR 1996

DUA DEWAN PERNIAGAAN ANJUR JAMUAN RAYA BERSAMA

KUALA LUMPUR, 1 Mac (Bernama) -- Dewan Perniagaan dan Perusahaan Melayu Malaysia (DPPM) dan Dewan Perniagaan dan Perindustrian Cina Bersekutu buat pertama kalinya akan menganjurkan bersama sambutan perayaan Hari Raya Aidil Fitri dan Tahun Baru Cina, Isnin depan.

Perdana Menteri Datuk Seri Dr Mahathir Mohamad akan menjadi tetamu khas pada jamuan tengah hari yang akan diadakan di sebuah restoran terkenal di sini.

Naib Presiden DPMM Dr Haji Abdul Murad Ahmad memberitahu persidangan berita hari ini, kira-kira 1,000 jemputan dijangka hadir termasuk Timbalan Perdana Menteri Datuk Seri Anwar Ibrahim, menteri-menteri kabinet dan timbalan menteri.

Beliau berkata tujuan menganjurkan bersama jamuan itu adalah bagi mengeratkan usahasama antara dua komuniti besar di negara ini.

"Walaupun usahama dalam bidang perdagangan telah wujud antara dua komuniti itu tetapi kita ingin juga mewujudkan hubungan sosial dan kebudayaan," katanya.

-- BERNAMA

NZ CR